



RAWNGBÂWLNAÄ INPUMKHÄTIN

CHÄNGVAWN: “Thahnemngai taka tawngtäin, rilru pumkhatin an awm a.” (Tirhkohte 1:14, NIV).

Chhiar Tûr: Tirhkohte 1; 2:1-4; *Chatuan Nghahfâk*, pp. 829-835; *Tirhkohte Thiltih*, pp. 35-40.

A Thu Zirtûr: Tawngtäina hian rawngbawl turin min buatsaih.

I thian kawmgeiber nen inhnial vek chang i nei tawh em? A hrehawm i ti em? I thian chung a i rilru puthmang chu chuan a thlak danglam em? Chumi hnu chuan thil han tih ho leh a harsa tawh viau lo maw? Isua zirtûrte chu an inhnial fo va. Engin nge an nun tidanglam hre turin han chhiar zel teh.

ISUAN a zirtûrte ni turin kan ti dawn nge, a thian kawmgeih bik takte ni turin mi 12 a thlang chhuak a. Jordan luia Johanan a baptis lai khan an awm ve a. Kross-a an khenbel thleng khan a kiangah an awm ta reng a. Thawnthu ngaihnawm tak tak a sawite chu nitin an ngaithla thin a. Temple-ah te a rualin an kal ve bawk a. Pathian Lehkha Thu a hrihfiakte pawh an ngaithla ve bawk a. Isuan an khua a tlawh vanga an khaw pumpuia damlo an awm tak miah loh chanchinte pawh an hre bawk a. Han suangtuah chhin ve mah teh u. Khawpuma damlo pakhat mah han awm loh tawp mai chu!

A chung a thil thleng tur chungchanga in ralring turin Isuan vawi tam tak hrih a tum a. A thi ang a, a tho leh ang tih te a hrih a. Mahse an ngaithla tha duh lo nge ni an hrethiam thei tlat lova. Ngaihndan hran an nei tlat mai ani. He khawvelah hian Isua chu lalah a tang dawn niin an ngai tlat a. Lalram din a, Rom ho lak atanga an mahni chhanchhuak turin an beisei a ni. Chutiang a nih hunah chuan an zinga tu hi nge tlatlum berang tiin an in hnial vel thin a. Jakoba leh Johana pheii chuan an nu an pun nghe nghe a nih chu! Isua hnenah la anih huna a fate chu a dinglam leh vei lama thuttir turin an ngen a. Chutiang thil chuan zirtir dangte chu a ti thinur em em mai a!

Isua a Thawhlehnî hnu chuan, ni 40 chhung zet zirtûrte leh amah zuitu dangte hnenah a cheng ve leh a. A pian tur thu leh a thih dan tur thu zawlneiten an hrih lawk chungchangte hrihfiahin. Pathian Lalram chungchang thute a sawi thleng a.





A tawpah chuan Isua chuan Rom ho chu a paihthla dawn lo tih an hrethiam ta hram a. Isua chu vanah a lawn chho leh phawt dawn tih an hre thiam thei ta hram a. Engpawh chu nise, khawharin a kalsan lovang tih a tiam a. Amah zuitute awmpui turin Thlarau Thianghlim a rawn tir dawn a ni. Isuan van a lawn hmain kaihhruaina fel tak a pe a. Thlarau Thianghlim lo thlen nghakin Jerusalemah an awm reng tur a ni.

Hemi tum hi chuan ngun takin an ngaithla a – an zawmta bawk a. Ringtu dangte nen chuan pindan chhungah nitin an inhmukhawm ziah thin a. An thil zirtawhte chu sawi ho lehin, an tawngtai ho thin a. Chutia an tawngtai chuan hun kaltawhte an ngaihtuah

chhuak a. Thiltha vak lo te tiin thu thalote an lo sawi thin tih an hre chhuak uaih uaih ta a. Midang chungah an ngilnei vak lo tihte an hre chhuak zel a. Tichuan an inkara inremlohna awmte chu an chingfel ta hlawm a. Thi pawimawhber mai an tih chu, an thil lo tihsual tawh zawng zawngte avangin Pathian ngaihdamna an dil a.

Chutia an nghah fan fan lai chuan, thil ropui tak alo thleng ta. An zavai chuan an inpawh tlang ta sawt a. A hmaa an inhniaalna zawng zawngte kha theihngihilhin. Pathian rawngbawl chakin an insuih khawm ta a. Isua chungchanga chanchin lawmawm em em mai chu puanchhuah an chak a ni. Midang hnenah chuan he khawvela a lokal chanchin leh mite tana a thih chungchangte an hrilh ang a. Isua chu vanah a chho leh ta tih thu chu mi zawng zawng hrilh hlan an nghakhlel em em a. A kianga cheng turin Isua chu a lokal leh dawn a ni tihte chu hrilh turin an inpeih ta thlap a.

Tawngtaina chuan inpumkhat turin a pui a. Tawngtaina chuan tum thuhmun – Pathian rawngbawl chakna nei turina kaihruai a ni. Vawiiinah pawh hian tawngtaina hian chutiang bawk chuan min thawhsak thei.

TIHTÛRTE

Sabbath

- A remchan chuan, In chhungle nen tawngtai turin chhuak teh u. Chutia in thenawmte inbul in kallai chuan in mi hmuh apiangte tan in tawngtai dawn nia.
- ‘Lal biakna’ hla kha in chhungkua tawngtai hunah sa ula, chuan Pathian rawngbawlina huntha i neih avangin lawmthu sawi rawh u.

Sunday

- *Tirhkohte 1:1-11* hi In chhungle nen chhiarin sawi ho teh u. Isuan a zirtirte kha eng titurin nge a duh? Chhang *11* hi chhiar nawn leh rawh u. Engnge nangmahah awmzia a neih?
- Isuan a zirtirte kha Jerusalem-ah lo nghak turin a ti a. In thil ei emaw infiam hmain ngawi rengin minute 5 thu teh u. Thil nghah ninawmzia engtin nge in hriat ?



- Thaibial ula, a pawnvel ah chuan in changvawn ziak rawh u. Chepthla ula, chawhpawlh ula, a nihdan turin rem tha rawh u.
- Pathianin i tanah a remruatte i ngaihthlaksak reng theih nan tawngtai in dil ang che u.

Thawhtanni

- Vawiin chhung inkhawm atan *Tirhkohte 1:12-26* hi chhiarin sawi ho teh u. Mipuiho zingah khan tute nge lo awma tawngtaiho kha? Engnge an chungah thleng?
- Serthlum kha kawrkkeh ula, phel thliah thliah teh u. A phel chu a pum ang maiin keng khawm leh ula, pakhat i lakbo daih phei chuan, a pum a la ni ang em? In kohhran kha mi tumahin an thiamnate hmang duh lo se, famkim an la ni cheu ang em? Engvang nge?
- In kohhrana i nu leh pa rawngbawl dan zawt teh u. A huho emaw nangmah a in tih ve theih sawi bawk rawh u. In thiamnate fng taka rawngbawl nan a, kawng in hriattheih nan tawngtai rawh u.

Thawhlehnî

- Isuan a zirtîrte tawngtai dan a zirtir kha chhiarin sawi ho teh u. (*Mathaia 6:9-13*) Midang ngaihdamna kawngah engnge zir chhuah in neih? Vawiin hian tu emaw ngaihdam ngai in nei em?
- Pawnah chhuakin thingkung en teh. In hmuhtheih chi hrange kha ziak chhuak vek ula, a kungah bung hrange awm lo sawn a nung thei em? In kohhrante nen engnge a in an na? (kohhran chuan mipui thawkho tur leh chak nan a mamawh a ni.)
- In kohhrana mipuiho chuan, Pathian rawngbawl nan a in thawhho theih nan tawngtai rawh u.

Nilainî

- *Luka 11:5-13* hIn chhûng inkhawm laiin chhiarin sawi ho teh u. Pathianin in chungkua thiltha a pek tawh che u ziak chhuak ula, chungte chu a rawngbawl nan engtin nge in hman tângkai ang?
- Mi pahnih hnenah tawngtaiin an nun a tihdanglam dan zawt rawh u.
- In chângvawn kha ennawn ula, chuan Pathianin kan thusawite ngaithla a, kan tawngtaite min chhansak thin avangin lawmthu sawi ang che u.

Ninganî

- Tawngtaiho chuan inlungualna a thlen a. Inlungulna tih a thumalte te hi, in hriatthiam dan in sawifiah theuh rawh u. Entîran ‘nang leh kei kan pahnihin’. Hei hi vawiin chhung inkhawm laiin ti ho teh u.
- Tawngtaina, rawngbawlna leh inlungualna chhinchhiahna emaw logo siam ula, in chungte entir ula.
- Vawiin hian mitu emaw tan a rugin rawngbawlsak teh u. Chumi tan chuan tawngtai sak bawk rawh u.

Zirtâwpnî

- Vawiin chhung inkhawmah chuan *Tirhkohte 1*-na hi ennawn ho leh teh u. He bung aţang hian engthil pawimawh pathum nge in zir chhuah? In changvawn kha sawi ho ula, chuan a pawimawh zingah khan tel ve em?
- ‘Whisper a prayer’ tih hla sa ula, chuan Pathian chu a ni pawimawhni chawlhniah in bulah awmturin sawm rawh u.

PUZZLE

RAWNGBAWLNAA INPUMKHATIN

KÀWHHMÜHNA: Thumal tina hawrawp pahnihna zêl chu thâi chhia ang che. Chumi hnûah i thâichhiat lòh zawng chu a hnuai âwlah hian ziaak lût la, tichuan zirtîr Isuâ chungâ rinawm chu i hre thei mai ang.

Tahsedye ahjlk jqowienretdy tzoXgcevtbhnemrp
cloknjshtgafndtslayv ixnu pwreaqyretkr

